

Հարկային այսպիսի դաժան հարստահարումը հնարավորություն չէր տալիս գյուղացիներին բարելավելու իրենց տնտեսությունը: Եվ, ընայած Արևմտյան Հայաստանն ուներ տնտեսական զարգացման մեծ հնարավորություններ, բայց տիրապետող սոցիալ-տնտեսական կարգերի հետևանքով օգտագործվում էր դրանց փոքր մասը միայն: Սաստկացող ճնշումները, անընդհատ ավելացող հարկերն ու պարահաները գյուղացու մեջ խեղդում էին տնտեսությունը զարգացնելու և ընդարձակելու նախաձեռնությունը:

2. ԱԶԱՏԱԳՐԱԿԱՆ ՇԱՐԺՈՒՄՆԵՐՆ ԱՐԵՎՄՏՅԱՆ ՀԱՅԱՍՏԱՆՈՒՄ XX ԴԱՐԻ ՍԿԶՐԵՐԻՆ

Օգտվելով մեծ տերությունների միջև եղած հակասություններից, սուլթանի կառավարությունը շարունակում էր հայահալած իր քաղաքականությունը: Շատերն էին այն կարծիքին, որ սուլթանին հաջողվեց 1895—1896 թթ. ղանգվածային կոտորածներով հայերի մեջ մեղցնել ազատաբաղձ ոգին, կաթվածահար անել հայ ազգային-ազատագրական շարժումները և հայ ժողովրդին պարտադրել ստրկական գոյավիճակ: Սակայն Տարոնի և Սասունի հերոս Մերոբի (Տարոնի Սոխորթ գյուղից) եղբրական վախճանից հետո, այդ շրջանի ազատագրական շարժման քաղաքական ղեկավար Հրայրին (1866—1904) և Սասունում հայդուկային խմբերի ղեկավարություն ստանձնած Անդրանիկ Օզանյանին (չապինկարահիսարցի, 1865—1927) հաջողվեց համախմբել ցարքերիվ ուժերը և զինավորել ազատագրական պայքարը: Անդրանիկն իր ուշադրությունը դարձրեց Տարոնի միջնաբերդ Սասունի վրա, ուր թուրքական կառավարությունը 1901 թ. մայիսից ձեռնարկել էր զորանոցներ կառուցելու գործը: Նա կոչ էր անում սասունցիներին՝ բոլոր միջոցներով խափանել այն: Եվ ամբողջ Սասունը ոտքի կանգնեց. «Կամ բոլորս ալ կմեռնինք, կամ շենք ընդունիր, որ զորանոցներ շինվին»¹⁵ նշանաբանով:

Բացի Մուշ քաղաքից, Տարոնի 28 կարևոր կետերում կառավարությունը կենտրոնացրել էր կանոնավոր զորքերի ստորաբաժանումներ: Հայկական գյուղերում նշանակված էին բուրդ պահապաններ, իբր թե գիշերային ավազակային հարձակումներից գյուղերը պաշտպանելու համար: Հայ գյուղացին պարտավոր էր վճարել իր այդ «պաշտպաններին» և կերակրել: Իրականում կառավարությունը նրանց միջոցով հետևում էր հայկական գյուղերում կատարվող ներքին անցուդարձին, հայդուկների գործունեությանը: Հայդուկների սպանալիքներից ահաբեկված, նրանցից շատերը հրաժարվում էին ծառայությունից:

Այդ օրերին էր, որ Անդրանիկն իր զինակիցներով որոշեց պատժել Մերոբին դավադրաբար սպանած ավազակապետ Բշարե Խալիլին: Չարագործ վարձկանին պատժելուց հետո, Անդրանիկը որոշում է հայդուկների մի փոքրաթիվ չեղատուվ Սասունից իջնել և ամրանալ Մուշից ոչ հեռու գտնվող Առաքելոց վանքում և հերոսական պայքարի օրինակով սխափեցնել հուսահատության մատնված ժողովրդին, նրա մեջ բորբոքել ազատագրական պայքարի

¹⁵ «Անդրանիկի հուշեր», Պեյրութ, 1935, էջ 266—267:

ողին: 1901 թ. նոյեմբերի սկզբին Առաքելոց վանք իջան սպառազինված 37 հայդուկներ՝ Անդրանիկի գլխավորությամբ: Նրանց միացան նաև երկու տասնյակի հասնող գյուղացիներ, Վանքը վերածվեց ինքնապաշտպանության ամրոցի: Նոյեմբերի 2-ին իշխանություններին արդեն հայտնի էր, որ Անդրանիկն իր զինակիցներով վանքում է գտնվում: Վանքի միաբանությունը ցանկանում էր այնտեղ պատսպարված 80 որբերին և նրանց ուսուցիչներին փոխադրել Մուշ, բայց Անդրանիկը վտանգավոր է համարում այդ և թույլ չի տալիս: Մուշից և այլ վայրերից թուրք-բրդական զինված մեծաքանակ ուժերը շարժվում են դեպի Առաքելոց վանքը: Երբ Բերդակից հայդուկների համար ալյուր և սննդամթերք բերող գյուղացիները վանքի պարիսպներից ներս են մտնում, փակվում են դարպասները: Վանքը պաշարվում է թշնամու կողմից:

Վանքից 200—250 մետր հեռավորության վրա խրամատավորվել էին թուրք ասկյարները և նրանցից անբաժան՝ զինված բաշիրոզուկները: 50—60 հայդուկների ղեմ կառավարությունը դուրս էր բերել մի քանի հազարի հասնող կանոնավոր զորամասեր ու ոստիկանական ուժեր:

Մինչև նոյեմբերի 17-ը թշնամուն հաջողվել էր բավականին մոտենալ վանքի պարիսպներին և սպառնալիքներ կարգալ պաշարվածներին: Անդրանիկի հետ էին նրա զինակիցներ, հանրաճանաչ հայդուկներ՝ Գևորգ Չավուշը, Սեբաստացի Մուրադը, Առաքելը (Տիգրան Աբաշյան, Բաբերդցի), Սմբատ Բորոյանը (մշեցի), Հակոբ Կոտոյանը (մշեցի), Սպաղանցի Մախարը և ուրիշներ: Հայդուկների զիսուկ համազարկերը բազմաքանակ զոհեր էին սպառնալուով թշնամուն: Թուրքական զորքերի հրամանատարությունն ստանձնած Բիթլիսի նահանգապետը դիմում է Անդրանիկին՝ նրա պահանջներն իմանալու համար: Սկսվում են բանակցությունները: Վանք են թողնվում թուրքական պատվիրակները՝ Մուշի քաղաքապետը, զինվորական կոմիսար Մուհամմեդ էֆենդին, խոսքով վարդապետ Բեդրիկյանը և նրանց հետ նաև ս. Կարապետ վանքի վանահայրը:

Նրանք Անդրանիկին հայտնում են, որ սուլթանը հրամայել է վայր դնել զենքերը և հանձնվել, խոստանալով ներման արժանացնել խոտվարարներին: Անդրանիկը ներկայացնում է հետևյալ պահանջները. ներում շնորհել բոլոր քաղաքական բանտարկյալներին, գյուղերում տասանորդ տուրքը հավաքել գյուղացիների միջոցով, զինաթափ անել հայկական գյուղերն ասպատակող բրդական զինված բանդաները, բեզերի կողմից զավթված հայկական հողերը վերադարձնել տերերին, վերացնել ցեղապետների հայերից ապօրինի տուրք գանձելու իրավունքը¹⁶:

Անդրանիկի ներկայացրած պահանջներից հետագայում միայն բանտարկյալներին վերաբերող կետը մասամբ իրագործվեց. 31 հայ բանտարկյալների ներում շնորհվեց:

Մնացած պահանջները մերժվում են, և վերսկսվում են կատաղի մարտերը: Վանքը պաշարող թշնամու բանակում բռնկվել էր համաճարակ, որն սպառնում էր թափանցել վանքից ներս: Բացի այդ, պաշարվածները երկար ժամանակ կոփելու համար անհրաժեշտ զինամթերք չունեին: Ուստի Անդրանիկը մտածում էր ելք գտնել պաշարման օղակից դուրս գալու համար:

Մարտական գործողությունները շարունակվում են մինչև նոյեմբերի 27-ը,

¹⁶ Տե՛ս «Առաքելոց վանքի կռիվը...», Պոսթրև, 1924, էջ 45:

ները նախապես մշակված պլանով, պաշարված հայդուկները սպիտակ սավանների մեջ փաթաթված, որպեսզի ձյան վրա աննկատ մնան, դիշերով դուրս են գալիս վանքի պարիսպներից և հեռանում:

Հայդուկների ազատվելը պաշարումից հրաշք էր թվում, ուստի պաշտոնական շրջաններում կեղծ լուրերով փորձում էին բողաբկել թուրքական արշավանքի ձախողման փաստը: Առաքելոց վանքի կոիվը հայ ազատագրական պայքարի աշխուժացման վկայությունն էր¹⁷:

Արամյան Հայաստանում ստեղծվել էր ինքնապաշտպանության գործը կազմակերպող ղեկավար կենտրոն: Այդ կենտրոնի մեջ մտնում էին Վարդգեսը (Հովհաննես Սերենկյույանը)՝ Վասպուրականի շրջանում, Ռուբեն Շիշմանյանը (Քեռին)՝ Կարինի շրջանում և Վահան Տոդրամաճյանը (Մանվելյանը)՝ Տարոն-Սասունի շրջանում: Սակայն շարժման փաստական ղեկավարը փորձառու հայդուկ Արմենակ Ղազարյանն (Հրայր, Դոնիս) էր: Նրա գործունեությունն ընդգրկում էր Տարոնի հայ հասարակական կյանքի բոլոր ոլորտները՝ ժողովրդական կրթության, ինքնապաշտպանության, տնտեսական-հասարակական նախաձեռնության կազմակերպման և այլն: Հրայրի կարծիքով համբերելն ու տոկալը ևս նույնքան անհրաժեշտ զենքեր են, որքան հարկ եղած պարագային զենքով կռվելը և արյուն թափելը, նա գտնում էր. որ անհրաժեշտ է նախապատրաստվել հանդարտ ու համառ աշխատանքով, ըստ կարելիության խուսափել ընդհարումներից և առիթ շտալ պրովոկացիաների:

Սուլթանը գերադասեց առժամանակ խաղաղասեր ձևանալ, հետաձգելով արշավանքը Սասունի դեմ, նա տակավին դատաստան չէր տեսել Մակեդոնիայում բռնկված ժողովրդական ապստամբության հետ և սպասում էր ավելի հարմար առիթի:

1903 թ. վերջերին Կովկասից Սասուն էր հասել Թորգոմի (Թուման Թումանյան) 27 հոգուց բաղկացած զինված խումբը: Այդ առիթով Տարոնի ինքնապաշտպանության ղեկավարությունը Գելիեզուզանում ժողովի էր հրավիրել զինված խմբերի ղեկավարներին և Սասունի գյուղերի ավագներին: Ժողովը որոշեց եղած փոքրաքանակ զենքերը բաժանել գյուղերի վրա: Միայն Գելիեզուզանն ստացավ 70 հրացան, իսկ մյուս գյուղերն ավելի քիչ: Ընտրվեց ինքնապաշտպանության զինվորական խորհուրդ՝ Անդրանիկի գլխավորությամբ:

Հրայրը շարունակում էր կազմակերպական աշխատանքը Մուշի դաշտի գյուղերում: Անդրանիկը և Սմբատ Բորոյանը պաշարներ ստեղծելու և դիրքեր պատրաստելու գործով էին զբաղված: Նպատակահարմար համարվեց պահել միայն փոքրամիավ զինված խմբեր, իսկ մնացած մարտիկներին ցրել գյուղերը, որտեղ նրանք կարող էին օգտակար լինել և մնալ աննկատ: Հաջողվեց նաև մի քանի քուրդ ցեղապետների բարեկամությունը շահել, ինչպես, օրինակ, Խճուղ գյուղից Գերվիշի և նրա յոթ եղբայրների համերաշխությունը: Համերաշխության ուղղությամբ աշխատանք էր տարվում նաև թուրքերի միջավայրում: Թերևս դրա հետևանքն էր, որ Արաղ գյուղում թուրք զինվորներից երկուսը զիմել էին տեղական պաշտպանության ղեկավարներին, խնդրելով իրենց ընդունել ինքնապաշտպանության խմբի մեջ: Նրանք հայտնել էին, թե ատում են Համիդի բռնակալությունը, որից քիչ չի տուժում նաև թուրք ժողո-

17 Տե՛ս Մ. Պ. Ագայան, Հայ ժողովրդի ազատագրական պայքարի պատմությունից, էջ 195:

վուրդը, ուստի ցանկանում են հայերի հետ կովել բռնակալության դեմ¹⁸, ինքնապաշտպանության ղեկավարները քաջալերում են նրանց աշխիվ մղումները, խորհուրդ տալիս այդ ոգով աշխատանք տանել թուրք զինվորների շրջանում:

Սուլթանական բռնապետության դեմ ուղղված հայ ազգային-ազատագրական պայքարը զրկված էր ընդհանուր նախատ ստեղծելու հնարավորությունից և բացի այդ, լուներ համազգային միասնական ղեկավարություն, ինքնապաշտպանության զորեղ միջոցներ: Քաղաքական կուսակցությունների և հոսանքների միջև համագործակցության ընդհանուր ծրագիր գոյություն չուներ:

1894—1896 թթ. շարժերից ահաբեկված պատերազմությունը, Օրմանյանի գլխավորությամբ, բացասական դիրք էր բռնել թուրքական բռնակալության դեմ ուղղված հայ ազգային-ազատագրական շարժման նկատմամբ և վարում էր համակերպության քաղաքականություն: Հնչակյան կուսակցության երկու թևերը միմյանց դեմ կազմալուծիչ պայքար էին մղում, որի հետևանքով էլ նրանք չկարողացան շատ թե քիչ նշանակալից գործունեություն ծավալել Արևմտյան Հայաստանում:

Իր գործնականությամբ դաշնակցությունը ևս չէր նպաստում ազատագրական շարժման բնականոն զարգացմանը, նրա ցուցաբարական ու արկածախնդրական տակտիկան, երկրի ներսում և երկրից դուրս ստեղծված քաղաքական իրավիճակի հաշվի չառնելը խիստ բացասական հետևանքների էին հանգեցնում: Այդ կուսակցությունն իր տակտիկական ուղեգիծն էր համարում կազմակերպել, բոտ կարելույն, երկար տևողությամբ կռիվ սուլթանական բռնակալության դեմ երկրի ներսում, միշտ նկատի ունենալով միաժամանակ եվրոպական երկրների միջամտությունը, հասկանալով, որ այդ միջամտությունը շահագիտական էր և նոր դժբախտությունների դուռ էր բացում հայ ժողովրդի համար:

Հաշվի էր առնվում բալկանյան ժողովուրդների ազատագրության փորձը, այդ գործում առաջին հերթին Ռուսաստանի խաղացած դիմանադիտական և ռազմական դերը, բայց մոռանում էին, որ XX դ. սկզբին փոխվել էր միջազգային դրությունը, և կատարվել էին քաղաքական ուժերի նոր տեղաշարժեր:

Արևմտահայերի քաղաքացիական իրավահավասարության և ապահովության հասնելու համար, հայ ազգային ղեկավար շրջանների գործունեությունը ծավալվում էր երեք ուղղությամբ. ա) Արևմտյան Հայաստանի ազատագրական շարժումների մասին տեղեկագրերի կազմում և առաքում քաղաքական աշխարհին՝ Եվրոպայի հասարակական կարծիքի առաջ հայ ազատագրական շարժման նպատակների, պահանջների մասին ճշմարտությունը պարզելու, տարածված կեղծ պատկերացումները և սուլթանի կառավարության զրպարտությունները հերքելու նպատակով, բ) դրամական միջոցների, զենքի ու ռազմամթերքի հայթայթում՝ զինված խմբեր կազմակերպելու և Արևմտյան Հայաստան մտցնելու նպատակով, գ) Ամենայն Հայոց կաթողիկոսի անունից պաշտոնական դիմումների և աղերսագրերի հղում մեծ պետությունների կառավարություններին՝ Բելոխի պայմանագրի 61-րդ հոդվածով խոստացված բարենորոգումների ծրագիրն իրագործելու խնդրանքով:

Հայ բուրժուազիայից նյութական օգնություն կորզելու նպատակով դաշնակցությունը դիմեց բռնի հանգանակության միջոցին: Այդ նպատակով 1901 թ. Բուլղարիայի Ֆիլիպպե (այժմ Պլովդիվ) քաղաքում ստեղծվեց դաշնակցության կամքն իրագործող «Փոթորիկ» ահաբեկչական խումբը, որի առաջին ղեկը դարձավ մոսկովյան բանկիր-միլիոնատեր Բաճալ ժամհարյանը:

Արևմտյան Հայաստանից զուժով լուրերը, ցարիզմի հայա՛ւլած քաղաքականությունը արեւելահայ երիտասարդությանը նույնպես մղում էին ազատագրական պայքարի ակտիվ գործողությունների ասպարեզ: Այդ երիտասարդության շարքերից կազմակերպվում էին հայդուկային մարտական և զինատար խմբեր՝ «Երկիր» (Արևմտյան Հայաստան) մտցնելու համար: Բարվում, Կարսում և Դիլմանում (Սալմաստի գավառում) ստեղծվել էին զենքի ու զինամթերքի պահեստներ ու նոր արհեստանոցներ: Այս ձեռնարկները կառված էին բազմաթիվ վտանգների հետ, որոնք հաճախ ծանր զոհեր էին խլում՝ ոստիկանական հալածանքների ու հետապնդումների պայմաններում:

Դարասկզբին զինատար և հայդուկային խմբերը Արևմտյան Հայաստան էին անցնում Օլթի—Բասեն—Խնուս—Սասուն, Երևան—Տաթ-Աղբյուր (կամ Միրզաչան)—Արճեշ—Ախլաթ—Վասպուրական—Տարոն, Խոյ—ս. Թաղետի վանք—Աբաղայի դաշտի նաղարավան և հաշան գյուղեր, Սալմաստ—Բաշկալն—Հայոց Զոր—Վան, Երևան—Դավալու—Մակու—Խոյ—Վան ուղղություններով: Պետական սահմանն անցան հանի (Բարսեղ Թիրաբյան), Թերեղաղցի Նովրուզի, Թորգոմի, Աշոտի և ուրիշների խմբերը (1903—1904 թթ. ընթացքում):

Սակայն մինչև 1904 թ., բացի Թորգոմի 27 հոգուց բաղկացած ջոկատից, մյուսները եղբրական վախճան ունեցան. հենց սահմանադիսին նրանք նկատվում էին թուրքերի կողմից, ընդհարվում նրանց գերակշիռ ռազմական ուժերի հետ կամ բռնվում ցարական սահմանապահ զորքերի կողմից: Առանձնապես ծանր վախճան ունեցավ Նովրուզի 150 հոգուց բաղկացած ջոկատը, որը Բասենում (1903) կռվի բռնկվելով թուրքական գերակշիռ ուժերի հետ, մեծ զոհեր պատճառելով նրան, ի վերջո ջախջախվեց: Նույնպիսի վախճան ունեցավ Որսորդ Գևորգի և Թորգոմի 61 հոգուց բաղկացած երկրորդ խումբը 1904 թ.: Օլթիի շրջանում, սահմանն անցնելուց հետո, խումբը մարտի բռնվեց թուրքական զորամասի հետ և երկու ժամ տևող անհավասար կռվում ջախջախվեց:

1904 թ. հունիսի 26-ին սահմանն անցնում է հնչակյանների «Լերձիվ» հայդուկային խումբը՝ Բաբկենի (Պողոս Գրիգորյան-Ավագյան) ղեկավարությամբ: Երկու օր անց տեղի ունեցավ առաջին ընդհարումը թուրք-քրդական ուժերի հետ՝ Մոզկա սարի մոտ: Խմբին հաջողվեց զրոհով ոչնչացնել թուրքական զորանոցում եղած թնդանոթները, զրավել զենքեր և զինել տեղի երիտասարդներին¹⁹:

Սուլթանական կառավարության ուշադրությունը Սասունից հեռացնելու հույսով, Երևանի դաշնակցական կազմակերպությունը ձեռնարկում է առևտրական սահմանի մոտ գտնվող Զորի և Մոսունի թուրքական զորանոցները ոչնչացնելու գործը: Կազմակերպվում է երկու հումք՝ «Արաւավաղը» և «Մասիս»

¹⁹ ՏՃԿՍ «Հիսնամյակ. 1887—1937 սոց. դեմ. Հնչակյան կուսակցության», Փրովիտենս, 1938, էջ 177—178:

անուններով, որոնց մեջ ընդգրկված էր 102 հոգի: Առաջին խումբը Մինաս Տուլպաշյանի (Գալլ Վահան) և երկրորդը՝ բարերորդի Միհրանի գլխավորությամբ հաջողությամբ իրագործում են այդ խնդիրը: Իշխանությունների վերածխնդրությունից խուսափելու համար, իրենց հետ վերցնելով մոտակա գյուղերի հալ բնակիչներին, խմբերը փորձում են վերադառնալ Արևելյան Հայաստան: Սակայն կիս ճանապարհին նրանք հանդիպում են համիդիական զնդերին, և ընդհարման ժամանակ զոհվում են երեսուն հոգի, այդ թվում նաև Գալլ Վահանը:

Սուլթանական բռնակալության դեմ պայքարի այս ձևը հատկանշում էր քաղաքական ուժանտիզմի խոր ազդեցությունը հայ ազգային-ազատագրական շարժման վրա և ընդգծում միաժամանակ նրա ժողովրդական բնույթը: Բայց ապարդյուն փորձերը, մարտիկների եղբրական նահատակությունը, ի վերջո, պետք է սթափեցնեին և ստիպեին հայդուկային զինատար և զինված խմբերի անմիջական կազմակերպիչներին՝ հրաժարվելու զինված խմբեր Արևմտյան Հայաստան մտցնելու մտքից:

3. 1904 Թ. ՍԱՍՈՒՆԻ ԻՆՔՆԱՊԱՇՏՊԱՆՈՒԹՅՈՒՆԸ

Սուլթանի կառավարությունը Սասունի դեմ նախապատրաստվող արշավանքն իրագործեց 1904 թ. զարնանամուտին, երբ սովորաբար զեպի սարերն էին շարժվում քրդական բռնվոր ցեղերը: Թուրքական իշխանությունները լրբատենների և գործակալների միջոցով հրահրում էին միջադեպեր, սրում դրությունը: Այդ օրերին բացահայտվեց Տափըկ գյուղում իշխանությունների կողմից Անդրանիկի դեմ կազմակերպված մահափորձը:

Մրազըվոզ կոտորածները Սասունում քողարկելու կամ արգարացնելու նպատակով, կառավարությունը կեղծ լուրեր էր տարածում, որ իբր հայ ֆիդայիները պատրաստվում են զարնանը իջնել լեռներից և հարձակվել թուրքական զորամասերի վրա²⁰: Սասունի դեմ զինված արշավանքի առաջին դուհր դարձավ Հունան գյուղը: Դաժան հարկահանությունն ստիպել էր գյուղի բնակչությանը դիմադրելու իշխանության ներկայացուցիչներին: Իշխանությունները բանակային կորպուսի մեկ դիվիզիա են ուղարկում «Սասուն փախած» հայերի դեմ²¹, 1904 թ. փետրվարի 5-ին առավոտյան ժամը 4-ին թուրք ջարդարարները խուժեցին Հունան գյուղը, կոզդպտեցին ու այրեցին 120 տուն, երեխաներին ու կանանց կենդանի թաղեցին ձյան մեջ կամ նետեցին ջրհորները²²:

Թուրքական իշխանությունները տեղեկանալով, որ Անդրանիկը Սասունում է և նախապատրաստվում է պաշտպանության, Սասունի շուրջը կենտրոնացրին կառավարական զորքեր ու քրդական ջոկատներ: Եվ քանի որ հայերը ոչ մի առիթ չէին տալիս, թուրքերը զրդեցին մի քանի բուրդ ցեղապետների հարձակվել հայկական բնակավայրերի վրա: Նույն՝ 1904 թ. մարտի վերջին, Սեբաստացի Մուրադը բանակցություններ էր վարում լաճկանցի բուրդ ցեղապետների հետ, նրանց բարեկամությունը շահելու հույսով:

²⁰ Տճ՝ «Геноцид...», стр. 148.

²¹ Տճ՝ նույն տեղում:

²² Տճ՝ նույն տեղում, էջ 149: